

元史卷四十三

明翰林學士亞中大夫知制誥兼修國史宋濂等修
本紀第四十三

順帝六

十三年春正月庚午朔用帝師請釋放在京罪囚以中書添設右丞哈瑪爾爲中書右丞參知政事烏蘭哈達爲添設右丞參知政事烏克遜良楨爲左丞詔印造中統元寶交鈔一百九十萬錠至元鈔一十萬錠辛未命烏蘭哈達烏克遜良楨兼大司農卿給分司農司印西自西山南至保定河間北至檀順州東至遷民鎮凡係官地及元管各處屯田悉從分司農司立法佃種合用工價牛具農器穀種召募農夫諸費給鈔五百萬錠以供其用旌表真定路藁城縣董氏婦貞節壬申命陝西行省平章政事布達實哩爲

總兵官癸酉享于太廟以皇第二子育于太尉仲嘉努家賜仲嘉
努及乳母鈔各一千錠甲戌重建穆清閣乙亥命中書右丞托克
托以兵討商州賊丙子方國珍復降以司農司舊署賜哈瑪爾庚
辰中書省臣言近立分司農司宜於江浙淮東等處召募能種水
田及修築圍堰之人各一千名爲農師教民播種宜降空名添設
職事勅牒一十二道遣使齎往其地有能募農民一百名者授正
九品二百名者正八品三百名者從七品卽書填流官職名給之
就令管領所募農夫不出四月十五日俱至田所期年爲滿卽放
還家其所募農夫每名給鈔十錠從之以杜秉彝爲中書參知政
事乙酉太陰犯太微垣丙戌以武衛所管鹽臺屯田八百頃除軍
見種外荒閒之地盡付分司農司達實巴圖爾克復襄陽樊城有
功升四川行省右丞賜金繫腰一庚寅知樞密院事婁章克復南

陽唐州賜金一錠銀一十錠鈔一千錠幣帛各五十疋戊戌熒惑
太白辰星聚于奎宿二月丁未祭先農已酉太陰犯軒轅庚戌太
白犯熒惑壬子太陰犯太微垣甲寅中書省臣言徐州民願建廟
宇生祠右丞相托克托從之詔仍立托克托平徐勲德碑壬戌以
宣政院使都稜特穆爾知經筵事中書右丞烏蘭哈達左丞烏克
遜良楨參知政事杜秉彝並同知經筵事三月己卯命托克托領
大司農司甲申詔修大承天護聖寺賜鈔二萬錠丁亥命托克托
以太師開府提調太史院回回漢兒司天監己丑以各衙門係官
田地并宗仁等衛屯田地土並付分司農司播種是月會州定西
靜寧莊浪等州地震命江浙行省左丞特哩特穆爾江南行臺侍
御史尊達實哩招諭方國珍夏四月戊戌朔命南北兵馬司各分
官一員就領通州灤州直沽等處巡捕官兵往來巡邏給分司印

一同署事半載一更特命烏克遜良楨得用軍器庚子以禮部所轄掌薪司并地土給付分司農司以甘肅行省平章政事索諾木巴勒爲永昌宣慰使總永昌軍馬仍給平章政事俸先是永昌愚魯罷等爲亂索諾木巴勒討平之至是復起故有是命辛丑太白犯井宿乙巳時享太廟己酉詔取勘徐州汝寧南陽鄧州等處荒田并戶絕籍沒入官者立司牧署掌分司農司耕牛又立玉田屯署降徐州路爲武安州以所轄縣屬歸德府其滕州嶧州仍屬益都路辛亥太陰犯房宿是月車駕時巡上都五月己巳命東安州武清大興宛平三縣正官添給河防職名從都水監官巡視渾河隄岸或有損壞卽修理之辛未江西行省左丞相琳沁巴勒江浙行省左丞羅羅引兵取道自信州元帥韓邦彥哈瑪爾取道由徽州浮梁同復饒州斬黃等賊聞風皆奔潰癸酉以太尉阿爾奇爲

嶺北行省左丞相知行樞密院事伯嘉努封武國公與諸王博囉
特穆爾同出軍甲戌行樞密院添設僉院二員乙亥太陰犯歲星
乙未泰州白駒場亭民張士誠及其弟士德士信爲亂陷泰州及
興化縣遂陷高郵據之僭國號大周自稱誠王建元天祐六月丙
申朔立詹事院設詹事三員同知二員副詹事二員丞二員命四
川行省平章政事伊蘇烏爾圖華便宜行事丁酉立皇子阿裕爾
實哩達喇爲皇太子中書令樞密使授以金寶告祭天地宗廟命
右丞相托克托兼詹事己亥詔征西都元帥旺札勒南原作汪只南發
本處精銳勇敢軍一千人從征討以千戶二員百戶一十員領之
庚子知樞密院事實喇巴圖原作失刺把都總河南軍四川行省右丞達
實巴圖爾總四川軍自襄陽分道而下克復安陸府辛丑罷宮傳
府以所掌錢帛歸詹事院癸卯詔以勅牒二十道鈔五萬錠給付

淮南行省平章政事達實特穆爾於淮南北等處召募壯丁并總
領漢軍蒙古守禦淮安遼東扎雅罕

原作捌
羊哈

及奇塔特昆

原作乾
帖因

卓奇雅珠

原作木
赤木

等五十六名沃濟野人以皮貨來降給扎雅罕

等三人銀牌一面管領沃濟野人甲辰以立皇太子詔天下大赦
已酉伊都呼高昌王伊魯特穆爾薨于南陽軍中命其子僧格襲
伊都呼高昌王爵辛亥親王諤勒哲圖泰州陣亡巴圖亳州陣亡
各賻鈔五百錠命前河西廉訪副使額森布哈爲淮西添設宣慰
副使討泰州丙辰詔皇太子位下立儀衛司設指揮二員給二珠
金牌副指揮二員一珠金牌賜吳王吹斯戢金二錠銀五錠鈔二
千錠幣帛各九疋以資政院所轄左右都威衛屬詹事院是月命
淮南行省平章政事達實特穆爾便宜行事詔淮南行省平章政
事福壽討興化是夏薊州大水秋七月丁卯泉州天雨白絲海潮

日三至時享太廟戊辰太白晝見宦官至一品二品者依常例給

俸祿壬申湖廣行省參知政事鄂爾和復武昌及漢陽府癸酉詔

詹事院自行銓注本院屬官壬辰親王濟爾噶呼薨於海寧軍中

以其子寶通繼襲王爵八月癸卯親王奇爾濟蘇特穆爾原作闊兒吉思

帖木兒獻馬辛亥賜托克托東泥河田一十二頃親王濟爾噶朗討

捕金山賊薨於軍中命其子圖魯特穆爾原作禿魯帖木兒入備宿衛庚

申命布哈特穆爾襲封文濟王是月車駕還自上都資政院使托

和齊以兵復江州路以四川行省平章政事伊蘇烏爾圖華右丞

諤勒哲布哈守鎮中興路左遷平章政事耀珠爲淮西元帥供給

烏撒軍進討斬黃九月乙丑朔日有食之乙亥以集賢官廣平王

約約征討慢功削其王爵降爲河南行省平章政事己丑廣寧王

呼圖克特穆爾薨賻鈔一千錠建皇太子益頂殿于聖安殿西威

喇岱

原作歪刺歹

僧格實哩

原作桑哥失里

獻馬一百匹賜金繫腰一幣帛各

九庚寅太陰犯熒惑辛卯嘉鼐巴

原作札你別

之地獻大薩哈連察察

哩

原作撒哈刺察赤兒

密實勒

原作米西兒

刀弓鎖子甲及青白西馬各二匹賜

鈔二萬錠壬辰太白經天熒惑犯左執法南臺御史大夫納琳以

老疾辭職從之命太尉如故冬十月丁酉享于太廟庚子太白經

天癸卯以江浙行省參知政事敏珠爾丹

原作買住丁

升本省右丞提

調明年海運甲辰歲星犯氐宿丁未廣西元帥甄崇福復道州誅

賊將周伯顏庚戌從特哩特穆爾尊達實哩之請授方國珍徽州

路治中國璋廣德路治中國瑛信州路治中督遣之任國珍疑懼

不受命立水軍都萬戶府於崑山州以浙東宣慰使納琳哈喇

原作

納麟哈刺

爲正萬戶宣慰使董搏霄爲副萬戶庚申賜皇太子妃鈔十

萬錠壬戌賜皇太子五愛滿集賽台二百五十人鈔各一百一十

錠癸亥太白犯亢宿是月撤世祖所立毼殿改建殿宇十一月壬申太陰犯壘壁陣乙酉立典藏庫貯皇太子錢帛丁亥江西右丞和尼齊以兵平富州臨江遂引兵復瑞州是月立義兵千戶水軍千戶所於江西事平願還爲民者聽十二月丁酉太白犯東咸己亥寧王蘇默格爾還大鄂爾多斯賜金繫腰一鈔一千錠庚子熒惑入氏宿癸卯托克托請以趙完普家產田地賜知樞密院事僧格實哩庚戌京城天無雲而雷鳴少頃有火見于東南懷慶路及河南府西北有聲如擊鼓者數四已而雷聲震地癸丑以豫王喇特納實哩弟達爾瑪討南陽賊有功以豫王前封西安王印與之命鎮成格勒原作寵吉兒之地丁巳太陰犯心宿西寧王英實鎮守四川還沙州賜鈔一千錠是月大同路疫死者大半江浙行省平章政事布延特穆爾南臺御史中丞曼濟哈雅及四川行省參知政

事哈喇圖

原作哈臨禿

左丞桑圖實哩

原作桑禿失里

西寧王英實合軍討徐

壽輝于蘄水敗之壽輝遁走俘獲其偽官四百餘入陝西行省平

章政事博囉四川行省右丞達實巴圖爾復均房等州詔博囉等

守之達實巴圖爾討東正陽是歲自六月不雨至于八月造清寧

殿前山子月宮諸殿宇以宦官留守額森特穆爾留守同知伊蘇

岱爾及都水少監陳阿穆爾克

原作阿木哥

等董其役哈瑪爾及圖嚕

特穆爾等陰進西天僧于帝行房中運氣之術號延徹爾

原作演探兒

法又進西番僧善祕密法帝皆習之

十四年春正月甲子朔汴梁城東汴河冰皆成五色花草如繪畫

三日方解乙丑熒惑犯歲星丁卯太白犯建星辛未享于太廟壬

申命特穆爾布哈襲封廣寧王賜鈔千錠癸酉熒惑犯房宿立遼

陽等處漕運庸田使司屬分司農司丁丑帝謂托克托曰朕嘗作

都克噶爾

原作朵思哥兒

好事迎白繖蓋遊皇城實爲天下生靈之故今

命喇嘛選僧一百八人仍作都克噶爾好事凡所用物官自給之

毋擾于民丙戌以達爾瑪嘉勒燦

原作答兒麻監藏

遙授陝西行省平章

政事實授行宣政院使治西番人民是月命僧格實哩哈喇圖守

中興達實巴圖爾復峽州二月戊戌祭社稷乙卯命中書平章政

事吹斯戢提調規運總管府戊午太白犯壘壁陣已未以湖廣行

省平章政事果勒爲淮南行省平章政事以兵攻高郵是月以呂

思誠爲湖廣行省左丞命湖廣行省右丞巴延布哈江南行臺中

丞曼濟哈雅江浙行省平章政事布延特穆爾參知政事阿爾烏

遜

原作阿溫沙

會合湖廣行省平章政事額森特穆爾討沿江賊立鎮

江水軍萬戶府命江浙行省右丞佛嘉律領之詔河南淮南兩省

並立義兵萬戶府建清河大壽元忠國寺以江浙廢寺田歸之三

月癸亥朔日有食之己巳廷試進士六十二人賜薛朝晤牛繼志進士及第餘授官出身有差壬申以皇太子行幸和買駝馬甲戌命親王蘇克特穆爾以兵討宿州賊丙子潁州陷是月中書定擬義兵立功者權任軍職事平授以民職從之命四川行省右丞達實巴圖爾升本省平章政事兼知行樞密院事總荆襄諸軍從宜調遣詔和買馬于北邊以供軍用凡有馬之家十匹內和買二匹每匹給鈔一十錠夏四月癸巳朔汾州介休縣地震泉湧以武祺參議中書省事是月車駕時巡上都江西湖廣大饑民疫癘者甚衆御史臺臣糾言江浙行省左丞特哩特穆爾等罪先是特哩特穆爾與江南行臺侍御史尊達實哩奉旨招諭方國珍報國珍已降乞立巡防千戶所朝廷授以五品流官令納其船散遣徒衆國珍不從擁船一千三百餘艘仍據海道阻絕糧運以故歸罪二人

以江浙行省參知政事阿爾烏遜升本省右丞浙東宣慰使恩寧
普爲江浙行省參知政事皆總兵討方國珍發陝西軍討河南賊
給鈔令自備鞍馬軍器合二萬五千人馬七千五百匹永昌鞏昌
沿邊人匠雜戶亦在遣中造過街塔於盧溝橋命有司給物色人
匠以御史大夫額森布哈督之復立應昌全寧二路先是有詔罷
之以撥屬魯王茂穆蘇王傅府至是有司以爲不便復之詔復起
永昌鞏昌南巴原作喃巴臨洮等處軍命各衛軍人修白浮蠡山等處
隄堰五月甲子安豐正陽賊圍廬州是月詔修砌北巡所經色珍
嶺黑石頭河西沿山道路剏建龍門等處石橋皇太子徙居宸德
殿命有司修葺之立南陽鄧州等處毛胡蘆義兵萬戶府募土人
爲軍免其差役令討賊自效因其鄉人自相團結號毛胡蘆故以
名之詔以伊蘇烏爾圖華募兵萬人下蜀江代達實巴圖爾守中

興荆門命達實巴圖爾以兵赴汝寧升湖廣行省參知政事鄂爾

和爲右丞討廬州募寧夏善射者及各處回回珠赫

原作術忽

殷富者

赴京師從軍復發圖卜軍萬人命太傅阿爾奇領之命荆王達爾

瑪實哩代庫騰阿哈

原作端阿哈

鎮河西討西番賊六月辛卯朔薊州

雨雹高郵張士誠寇揚州丙申達實特穆爾以兵討張士誠敗績

諸軍皆潰詔江浙行省參知政事佛嘉律會達實特穆爾復進兵

討之甲辰太陰入斗宿己酉盱眙縣陷庚戌陷泗州官軍潰秋七

月甲子潞州襄垣縣大風拔木偃禾乙丑太陰犯角宿壬申詔免

大都上都興和三路今年稅糧命刑部尙書阿嚕於汝寧州等處

募兵討泗州壬午太陰犯昴宿是月汾州孝義縣地震八月冀寧

路榆次縣桃李花車駕還自上都九月己未朔賜親王薩爾巴達

實金二錠銀二十錠鈔萬錠幣帛表裏各三百疋創設敖拉齊

原作

奧刺赤

二十名仍給衣糧草料庚申以湖廣行省左丞呂思誠復爲

中書左丞辛酉以知樞密院事伊徹察喇爲中書平章政事詔托

克托以太師中書右丞相總制諸王各愛滿諸省各翼軍馬及總

兵領兵大小官出征高郵甲子封高麗王托克托布哈

原作脫不花

爲

藩王丁卯布延呼圖克皇后母歿賻鈔三百錠立寧宗影堂戊子

免河南蒙古軍人雜泛差役是月賜穆清閣工匠皮衣各一領蓋

海青鷹房禁河南淮南酒階州西番賊起遣兵擊之方國珍拘執

元帥額特默色黃巖州達魯噶齊宋巴延布哈知州趙宜浩以俟

詔命冬十月甲午享于太廟戊戌詔達實巴圖爾及台哈布哈等

會討安豐甲辰詔加號海神爲輔國護聖庇民廣濟福惠明著天

妃壬子太陰犯太微垣十一月丙寅勅中書省樞密院御史臺凡

奏事先啟皇太子詔江浙應有諸王公主后妃寺觀官員撥賜田

糧及江淮財賦稻田營田各提舉司糧盡數赴倉聽候海運以備
軍儲價依本處十月時估給之丁卯托克托領兵至高郵辛未戰
于高郵城外大敗賊衆丙子太陰犯鬼宿癸未賜親王諾木達實
原作喃金鍍銀印乙酉托克托遣兵平六合縣是月達實巴圖爾
荅失復苗軍所據鄭均許三州皇太子修佛事釋京師死罪以下囚十
二月辛卯絳州北有紅氣如火蔽天丙申以中書平章政事鼎珠
爲左丞相宣政院使哈瑪爾永昌宣慰索諾木巴勒並爲中書平
章政事進階光祿大夫監察御史袁賽音布哈等劾托克托出師
三月略無寸功傾國家之財爲己用半朝廷之官以自隨其弟額
森特穆爾庸材鄙器玷汗清臺綱紀之政不修貪淫之心益著章
三上詔令額森特穆爾出都門聽旨以宣徽使旺嘉努爲御史大
夫丁酉詔以托克托老師費財已逾三月坐視寇盜恬不爲意削